

## Mensahe 6

### **Makakab-ot sa Labaw-nga-pagkabanhaw**

Basahong Kasulatan: Fil. 3:10-14; Rom. 6:3-5; 8:11; Bug. 1:17b-18

- I. Nagpasabot ang “labaw-nga-pagkabanhaw” sa maayo kaayong pagkabanhaw, sa talagsaong pagkabanhaw, nga ganti unya sa madaogong mga balaan—Fil. 3:11; Bug. 20:4, 6:**
  - A. Tanang magtutuo nga nangamatay diha ni Cristo makaapil sa pagkabanhaw gikan sa mga minatay inigbalik sa Ginoo—1 Tes. 4:16; 1 Cor. 15:52.
  - B. Makapahimulos ang mga mananaog sa Ginoo og talagsaon, maayo kaayong bahin nianang pagkabanhawa, ang pagkabanhaw nga niini magantihan sila sa gingharian; kini ang gitinguha ni apostol Pablo—Fil. 3:11; Heb. 11:35, 26.
- II. Alang ni Pablo, ang pagkabuhi mao si Cristo nga labaw-nga-pagkabanhaw—Fil. 1:21a; 3:11:**
  - A. Ang Cristo nga nabuhi diha ni Pablo mao Siya nga, sa kaugalingon Niyang persona, maoy realidad sa labaw-nga-pagkabanhaw—Juan 11:25; Bug. 1:17b-18; 2:8.
  - B. Ang labaw-nga-pagkabanhaw sa pagkatinuod mao ang hiligugmaon, bililhon, maayo kaayong persona ni Cristo, nga pinaagi sa pagkalansang sa krus ug pagkabanhaw, niagi sa daang kabuhatan ug nisulod sa Dios—Juan 14:3, 20; Heb. 6:19-20.
  - C. Aron makakab-ot sa labaw-nga-pagkabanhaw, kinahanglan makaila ta ni Cristo diha sa gahom sa Iyang pagkabanhaw, makaila Niya sa pagpakig-ambit sa Iyang mga pag-antos, ug makaila Niya sa pagpahiuyon nato sa Iyang kamatayon—Fil. 3:10-11.
  - D. Makita nato sa mga versiculo 13 ug 14 nga wala isipa ni Pablo ang iyang kaugalingon nga nakakupot na sa labaw-nga-pagkabanhaw; nagpursigir siya sa tumong sa labaw-nga-pagkabanhaw alang sa ganti nga niana gitawag siya sa Dios paingon sa itaas diha ni Cristo Jesus.
- III. Dunay tumong ang atong Cristohanong kinabuhi, ug kining tumonga mao ang labaw-nga-pagkabanhaw, ang talagsaong pagkabanhaw—v. 11:**
  - A. Nagtinguha si Pablo nga mapahiuyon sa kamatayon ni Cristo aron, sa bisan unsang paagi, makab-ot niya ang labaw-nga-pagkabanhaw gikan sa mga minatay—v. 10.
  - B. Si Cristo nga ikinabuhi gyod nato mao mismo ang labaw-nga-pagkabanhaw—1:21a; 3:11; Juan 11:25.
  - C. Nagpaingon tang tanan sa labaw-nga-pagkabanhaw; ang labaw-nga-pagkabanhaw gyod untay tumong ug dangatanan sa atong Cristohanong kinabuhi—Fil. 3:11-15.
  - D. Ang dalan paingon sa labaw-nga-pagkabanhaw mao ang kahikayan sa pagkabanhaw—Rom. 8:11:
    1. Nagsugod kining kahikayana sa adlaw nga gibautismohan ta ug matapos inigdangat nato sa maayo kaayong pagkabanhaw—6:3-5.
    2. Sa nagpadulong ta sa tumong, kamulo tang gibanhaw; sa kapulihay, mabanhaw ang matag bahin sa atong pagkatawo—1 Tes. 5:23.
    3. Mopadayon ta ning kahikayana hangtod modangat ta sa tumong sa labaw-nga-pagkabanhaw—Fil. 3:11.
  - E. Ang makakab-ot sa labaw-nga-pagkabanhaw kana mang modangat sa labaw-

nga-pagkabanhaw; nagkinahanglan kini nga madaogon tang modagan sa lumba aron magantihan—1 Cor. 9:24-26; 2 Tim. 4:7-8; Heb. 12:1-2.

**IV. Ang resulta sa pagpahiuyon sa kamatayon ni Cristo mao nga makakab-ot ta sa labaw-nga-pagkabanhaw gikan sa mga minatay—Fil. 3:10-11:**

- A. Ang kamatayon maoy kondisyon aron makakab-ot ta sa labaw-nga-pagkabanhaw—v. 11.
- B. Ang pagdangat nato sa labaw-nga-pagkabanhaw maoy resulta, ang lugwa, sa pagpahiuyon nato sa kamatayon ni Cristo—v. 10.
- C. Ang mahiuyon, mahulma, sa kamatayon ni Cristo nagpasabot nga magpabilin ta kanunay sa Iyang kamatayon—Rom. 6:6; Gal. 2:20; Fil. 3:10.
- D. Kon gipahiuyon ta sa kamatayon ni Cristo, maanaa ta sa kinabuhi sa pagkabanhaw ni Cristo, ug diha sa pagkabanhaw, mahinagbo nato si Cristo, masinati si Cristo, ug mapahimuslan si Cristo—Juan 11:25; Efe. 3:8; Fil. 1:8, 19, 21a; 2:5-8; 3:12.
- E. Kon magpabilin ta sa kamatayon ni Cristo, ipahulma ang atong kaugalingon sa pagkasama niini, ang lugwa mao nga inanayng mabanhaw ang matag bahin sa atong pagkatawo—vv. 10-11.

**V. Kalabot sa pagkakab-ot sa labaw-nga-pagkabanhaw, mangutana gyod tag importanteng pangutana: Makab-ot ba nato ang tumong sa labaw-nga-pagkabanhaw ning panahona, o makadagan ba lang ta sa lumba ug maglaom nga makakab-ot sa tumong sa moabot nga panahon?**

- A. Kon naghunahuna ta nga maghulat pa gyod ta sa moabot nga panahon aron makab-ot nato ang tumong nga labaw-nga-pagkabanhaw apan dili modangat ning tumonga ning panahona, dili nato kini makab-ot sa sunod nga panahon.
- B. Manlimbasog gyod ta nga makakab-ot sa labaw-nga-pagkabanhaw sa tibuok natong kinabuhi—v. 11.
- C. Gipadayag sa Roma 8:11 nga makakab-ot ta sa labaw-nga-pagkabanhaw ning panahona:
  - 1. Niingon kining versiculoha nga kon nagpuyo kanato ang Espiritu Niya nga nagbanhaw ni Jesus gikan sa mga minatay, Siya nga nagbanhaw ni Cristo Jesus gikan sa mga minatay maghatag sab og kinabuhi nianang bahina sa atong pagkatawo nga himalatyon—ang lawas nato nga dunay kamatayon.
  - 2. Ang *maghatag og kinabuhi* sa versiculo 11 wala magpasabot sa pag-ayo sa mga sakit kondili sa resulta sa pagpabalay nato sa Espiritu sa Dios sa sulod nato ug sa pagpasurop sa tibuok natong pagkatawo sa diosnong kinabuhi.
  - 3. Nagpuyo sa sulod nato ang Espiritu aron tinuod ug praktikal nga iumol ang labaw-nga-pagkabanhaw sa atong pagkatawo.

**VI. Ang pagdangat nato sa labaw-nga-pagkabanhaw nagpakita nga inanay ug mapadayonon gyong gibanhaw ang tibuok natong pagkatawo—1 Tes. 5:23:**

- A. Gibanhaw una sa Dios ang namatay nga espiritu nato; nipadayon Siya sa pagbanhaw sa atong kalag ug sa atong lawas nga may kamatayon hangtod hingpit gyong mabanhaw ang tibuok natong pagkatawo—espiritu, kalag, ug lawas—gikan sa daan natong pagkatawo pinaagi sa Iyang kinabuhi ug uban sa Iyang kinabuhi—Efe. 2:5-6; Rom. 8:6, 11.
- B. Kahikayan kini sa kinabuhi nga agian gyod nato ug lumba nga daganon gyod nato hangtod modangat ta sa labaw-nga-pagkabanhaw ingon nga ganti—Fil. 3:11-14.

- C. Kon gipahiuyon ta sa kamatayon ni Cristo, inanay nga mabanhaw ang matag bahin sa atong pagkatawo; busa, kahikayan sa pagkabanhaw ang Cristohanong kinabuhi.
- D. Makaabot lang ta ning tumonga sa pagkinabuhi nato sa kinabuhing linansang sa krus—v. 11; Gal. 2:20.

**VII. Ipahiuyon gyod ta sa kamatayon ni Cristo aron sa bisan unsang paagi makakab-ot ta sa labaw-nga-pagkabanhaw gikan sa mga minatay; kini ang bugtong paagi nga makapadayon ang Ginoo sa Iyang pahuli, ang bugtong paagi nga matukod ang Iyang iglesia, ang bugtong paagi nga maandam sa pangasaw-onon ang iyang kaugalingon, ug ang bugtong paagi nga mapabalik ang Ginoo—Fil. 3:10-11; Mat. 16:18; Bug. 19:7-9a; 22:14, 20.**